

## Edizioni

- letto 1173 volte

## Perugi 2015

I.  
L'aur'amara  
fa·ls broils brancutz  
esclarzir  
que·l douz'espeis'ab foils,  
e·ls lets  
becs  
dels auzels ramencs  
ten balbs e mutz,  
pars  
e non-pars,  
per qu'ieu m'esfortz  
de far e dir  
plazers  
a maintz per lei  
que m'a virat bas d'aut,  
don tem murir  
se·ls afanz no m'adoma.

II.  
Tant fon clara  
ma prima lutz  
d'eslir  
leis don cre·l cor los oils,  
non prets  
necs  
manz dos aniovencz:  
d'altra s'estlutz  
rars  
mos preiars,  
pero deportz  
m'es adauzir  
volers  
bos motz ses grei  
de leis, don tant m'azaut  
c'al seu servir

son del pe tro c'a·l coma.

III.

Si m'ampara  
cill qui·m tra^a lutz  
d'aizir  
si qu'es de prez capdoils,  
dels quecs  
prec  
c'ai de dinz a rences  
l'er for tendutz  
clars  
mos pessars,  
qu'ieu fora mortz  
mas fa·m souffrir  
l'espers  
que·il prec que·m bei,  
c'aizo·m ten let e baut,  
que d'als iauzir  
no·m val jois una poma.

IV.

"Douz cara  
ab totz aibs volgutz,  
souffrir  
m'er per vos maintz orguoils,  
car ets  
decs  
de totz mos fadencs  
dont ai maintz brutz  
pars  
e gabars:  
de vos no·m tortz  
ni·m fai partir  
avers  
c'anc non amei  
re tant a menz d'u faut,  
anz vos dezir  
plus que Deu cil de Doma".

V.

"Amor, c'ara  
sui ben vengutz,  
cauzir  
tem far, si·m desacoils,  
tals decs-  
-pecs  
qu'er es meils que·t trencs,  
qu'eu sui fiz drutz  
cars  
e no-avars,  
ma·l cortz frems fortz

mi fai souffrir  
maintz vers,  
qu'ab tot lo mei  
m'agr'obs us bais al chaut  
cor refreizir,  
que no·i val altra goma".

VI.

"Ara·t para,  
chanz e condutz,  
formir  
al rei qui t'er escoils,  
car Precs  
s'ecs-  
-chai la o·es doblencs  
e mantengutz  
dars e maniers;  
de ioi la·t portz,  
son anel mir:  
si·s ders  
c'anc non estei  
pont d'Aragon que·l saut  
no·i volgues ir,  
mas chai m'an chamat: Roma".

VII.

Fagz es l'acortz  
qu'el col remir  
totz sers  
leis cui domn'ei  
ses parconer Arnaut,  
qu'en atr'arbir  
no·efort m'entent'a soma.

- letto 661 volte

# Toja

I.

L?aur? amara  
fa·ls bruoills brancutz  
clarzir  
qe·l dous?espeis?ab fuoills,  
el·s letz  
becs  
dels auzels ramencs  
ten balps e mutz,

pars  
e non pars;  
per q?eu m?esfortz  
de far e dir  
plazers  
a mains, per liei  
que m?a virat bas d?aut,  
don tem morir  
si·ls afans no m?asoma.

II.  
Tant fo clara  
ma prima lutz  
d?eslir  
lieis don cre·l cors los huoills,  
non pretz  
necs  
mans dos aguilencs;  
d?autra s?es dutz  
rars  
mos preiars:  
pero deportz  
m?es ad auzir  
volers,  
bos motz ses grei  
de liei, don tant m?azaut  
q?al sieu servir  
sui del pe tro c?al coma.

III.  
Amors, gara,  
sui ben vencutz,  
c?auzir  
tem far, si·m desacuoills,  
tals d?etz  
pecs  
que t?es mieills qe·t trencs;  
q? ieu soi fis drutz,  
cars  
e non vars,  
ma·l cors fermes fortz  
mi fai cobrir  
mains vers;  
c?ab tot lo nei  
m?agr?ops us bais al chaut  
cor refrezir,  
que no·i val altra goma.

IV.  
Si m?ampara  
cill cui·m trahutz,  
d?aizir,

si q?es de pretz capduoills,  
dels qetz  
prec  
c?ai dedinz a rences,  
l?er fors rendutz  
clars  
mos pensars:  
q?eu fora mortz,  
mas fa·m sofrir  
l?espers  
qe·ill prec qe·m brei,  
c?aisso·m ten let e baut;  
que d?als iauzir  
no·m val iois una poma.

V.  
Doussa car?, a  
tutz aips volgutz,  
sofrir  
m?er per vos mainz orguoills,  
car etz  
decs  
de totz mos fadencs,  
don ai mains brutz  
pars,  
e gabars;  
de vos no·m tortz  
ni·m fai partir  
avers,  
c?anc non amei  
ren tan ab meins d?ufaut,  
anz vos desir  
plus que Dieu cill de Doma.

## VI.

Era·t para,  
chans e condutz,  
formir  
al rei qui t?er escuoills;  
car Pretz,  
secs  
sai, lai es doblencs,  
e mantengutz  
dars  
e maniers:  
de ioi la·t portz,  
son anel mir,  
si·l ders,  
c?anc non estei  
iorn d?Aragon q?el saut  
no·i volgues ir,  
mas sai m?an clamat: Roma!

## VII.

Faitz es l?acortz,  
q?el cor remir  
totz sers  
lieis cui dompnei  
ses parsonier, Arnaut,  
q?en autr?albir  
n?es fort m?entent?a soma.

- letto 794 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/edizioni-172>